


Phuk Lai Gau Lai Vax



Phuk-3

Grawng Phuk Lai

Kaing phuk lai - Phuk lai gau lai Vax (Phuk -3)
Lox lai shiao - Lai Vax
Singaix plih - 2013

Book Title - Wa Primer (book -3)
Language - Wa
Date - 2013

Lox Tawm

Phan mawh phuk lai gau in, mawh phuk lai gau pa hoik cox khre, son sang yie ti gau ka can pui pa rieb ti gau heue. Mai phao mawx phao an ang ah, chix ti gau ka phuk lai Vax in heue. Phan koe krax pa cud cha ka daux phuk lai in, yuh buan son deeh tawx krax keud sawn ka ex liak.

Phan sang gau ka phuk lai in, lo ti phat krax jhi son cao gau pa koe plak khaix lai in mhawm mhawm, ka sivoe sang tawx krax gau ka kawn nyawm heue. Phuk lai gau pa plih ex in, koe loe phuk (Phuk -1,2,3) heue. Phan ex shiao ka phuk lai gau in, ex lo ti hawt krax jhi son cao gau awm pa tiem ti deuh plak khaix lai in heue.

Khrawm Kaing Lai

Grawh grawng	Ngai: lai gau	Plah lai
Miex mai: kawn ngai: lai Vax pa ting	-	i
Miex mai: kawn ngai: lai Vax pa iak	-	ii
Lawg gau (40)	Ph ph Iaw iaw	1
Lawg gau (41)	Kr kr Br br Pr pr	5
Lawg gau (42)	Gr gr Khr khr Phr phr	9
Lawg gau (43)	Ch ch	13
Lawg gau (44)	Pl pl Kl kl Phl phl	16
Deeh Thawk Theng (9)	-	20
Lawg gau (45)	Khl khl Gl gl Bl bl	25
Lawg gau (46)	Sh sh Iao iao	29
Lawg gau (47)	Iu iu	32
Lawg gau (48)	Io io	35
Lawg gau (49)	Iie iie -p	38
DeehThawk Theng (10)	-	41
Lawg gau (50)	Th th	44
Lawg gau (51)	Bh bh Dh dh Jh jh Gh gh	48
Lawg gau (52)	Grh grh Brh brh	52
Lawg gau (53)	F f	56
Lawg gau (54)	Glh glh Blh blh	60
Deeh Thawk Theng (11)	-	63
Krax Jhi Son Cao Gau	-	68

Miex ngai: lai Vax pa ting

K	Kh	G	Ng	P	Ph	B	M
T	Th	D	N	C	Ch	J	Ny
S	Sh	Z	Y	R	L	V	W
		F	H	X			

Miex ngai: lai brawm pa ting

Kr	Kl	Khr	Khl	Gr	Gl	Gh
Grh	Glh	Ngh	Pr	Pl	Phr	Phl
Br	Bl	Bh	Brh	Blh	Mh	Dh
Nh	Jh	Nyh	Yh	Rh	Lh	Vh

Kawn ngai: lai Vax pa ting

A	E	Ie	Aw
Oi	Ao	Au	Ai
I	O	U	Ee
		Eu	

Kawn ngai: lai brawm pa ting

Ia	Iao	Iaw	Io	Iu	Iie	Ui	Ua	Oe	Eei	Eue
----	-----	-----	----	----	-----	----	----	----	-----	-----

Miex ngai: lai Vax pa iak

k	kh	g	ng	p	ph	b	m
t	th	d	n	c	ch	j	ny
s	sh	z	y	r	l	v	w
		f	h	x			

Miex ngai: lai brawm pa iak

kr	kl	chr	chl	gr	gl	gh
grh	glh	ngh	pr	pl	phr	phl
br	bl	bh	brh	blh	mh	dh
nh	jh	nyh	yh	rh	lh	vh

Kawn ngai: lai Vax pa iak

a	e	ie	aw
oi	ao	au	ai
i	o	u	ee
		eu	

Kawn ngai: lai brawm pa iak

ia	iao	iaw	io	iu	iie	ui	ua	oe	eei	eue
----	-----	-----	----	----	-----	----	----	----	-----	-----


Ngai: lai tat lox (11) mu:

-k	-t	-p	-h	-x	-g	-d	-b	-ng	-n	-m
----	----	----	----	----	----	----	----	-----	----	----

Lawg Gau (40)

Ph ph	Iaw iaw
----------	------------

Pheen yuh keeing sidaing mhawm ti yaox. Mawh pheem yuh ka khaox. Mawh pheem kiek nyiex yix grum mai: paox tix. Phan ex tang sawm ang nyawm, hoek sawm tau piang pheem mai: paox tix. Khaix hoik sawm, Ai Rai awt pheem singax. Keeing hu pheuk ti pheu ka kawn moi mhaing daux kaung. Kawn moi an sidaing phai hu phao. Yam hoek plak bo phuan taix, keeing laux kaing yuh tix heue. Nawh phiawk kawn moi an mai: moi tang ting daux kawg. Khaix an nyiex yix ih priex bo tau mai: kum kawng tix heue.



Pheen yuh keeing sidaing mhawm ti yaox.

Pheen

Phee

Ph

pheen
phee
ph

ee	i	e	ai
phee	phi	phe	phai
pheen	phix	phex	phaix

Nawh phiawk kawn moi an mai: moi tang ting daux kawg.

phiawk

phiaw

iaaw

phiawk
phiaw
iaaw

iaaw
phiaw
phiawk

Son pheuk gau

1. Pheuk ti tiem gum lox ngai: lai plak greem awx.

phoen

phix

phex

phiawk

2. Laug gum lox ngai: lai pa khaw mai: thie daux yi awx.

phak	pheet	phai	phex
------	-------	------	------

(1) Ai Rang _____ sox to daux sipeem.

(2) Ai Rang _____ to khaing Nyi Pao.

(3) Yiex Ka _____ kawn saux tix sawm.

(4) I Noi _____ aw sidaing singax.

3. Jhak plak greem ka daux (k) mai: (kh) laug pa khaw mai: sito e giieb awx.

(k)



- (1) Phix
- (2) Pheen
- (3) Phex
- (4) Phai


(kh)

- to maix khaing mawx?
- mawh tosath pa moh tix ih kax.
- mawh son sang sawm ex piang.
- kawm tix sawm.

- (1) _____
- (2) _____
- (3) _____
- (4) _____

4. Pawk lox chawk plak greem awx.

	<p>Yex Ka yuh pa tix?</p> <p>_____</p>
	<p>Phix moh tix ih pa tix?</p> <p>_____</p>



Koe poi pa silah paox tix phai to tix dah heue.

Lig phai to khaing pet. Ia: phai to khaing lig.

Sox phai to khaing ia.

Petla (kang koi) phai to khaing sox heue.


Mawh tosot pa yuh ka mawx pa phai to khaing
paox tix? Maix phai to khaing pui mawx?

Lawg Gau (41)

Kr kr	Br br	Pr pr
-------	-------	-------


Krax in mawh krax hu brung. Phan mawh brung mawh pa pon kham praix klawng pa nu pa kin mai: pon hu krax singai tom nie heue. Phan krax mhawm nie brax phai hu krax. Didix pui khan kix yuh lai geu ka brung ngie khaing. Phan brug brug jawg tix nih (tawm) prux mhawm mhawm piang brung mai: sau ang brug. Yam hu prawng simiang khankix see kix brug brug ting riang hu tau mai: ang phrung phrat ti tang hu. Ang kix kieh pui prung prang tang lox heue. Bawg yam rung praix pui khankix yuh poi silah ti brug brug heue. Yam an mawh bawg yam gauxrhawm yaong yix heue.






krax
kra
kr

a	ai	au
kra	krai	krau
krax	kraing	kraung



brung
bru
br

u	u	aw
bru	bru	braw
brung	brug	brawm



praix
prai
pr

ai	a	ui
prai	pra	prui
praix	prah	pruik

Son pheuk gau

1. Pheuk ti tiem gum lox ngai: lai plak greem awx.

krax

krai

brung

brug

praix


pruik


2. Laug gum lox ngai: lai pa khaw mai: thie daux yi awx.

Praix brug prah pruik Brung

- (1) Hu dee mawh hu tau paw _____ paox tix.
- (2) _____ nyiex Ai Rang sidaing phai to.
- (3) Tax Iak _____ brung pon ngawb ku ngawb.
- (4) Kawn sim ang koe hauk _____ ang chix po.
- (5) _____ vhaik paw lai lih plak praix.

3. Jhak riieng mai: tiem gum lox ngai: lai awx.






Tix bawg koe kawn brawm ra kaux. Ceu kaux kawn brawm an mawh Yex Ka mai: I Lawt heue. Kiex Sidaing moh paox tix. Ngai: baoh kiex kawx awm paox tix, kied nu ti goih ti tawng heue. Kawn brawm an kiex tok taix paox tix hu nyiex gau lai. Kiex hoek nyiex gau lai sara cao gau ang chix goih ngai: baoh kiex. Sara goih ti tawng ka tang ceu kaux kiex ngie heue. Kiex kawx sidaing pon ka lai gau tix ku singaix heue.

Lawg Gau (42)

Gr	gr	Khr	khr	Phr	phr
----	----	-----	-----	-----	-----

Viang greeing mawh pa iak kawx chix kieh khaox kiien mai: kraung khrai khankix laux heue. Greeing chix yuh nyiex tix ot ka daux tiex ton (num). Greeing khrawm paox tix haok kah khaox plix mak mung ot praok tiex ton plak seh nyiex. Yuh buanson teei sidah phruah kah liak. Phruah tom yum greeing awx. Phan ex phruah simaox ceed mai: nyaox dee ot greeing, kix kied lhat kah. Greeing mawh pa yuh phon lih, koe buanson son kawn pui. Yie grum khrawm paox tix dee koe mham (briem). Greeing mawh pa ghaok (yuh) tiex ton pa khraox koe ku dah mai: kix ang rhawm ot khaix hax ngu heue.





greeing
greei
gr

eei	ai	ao
greei	grai	grao
greeing	graik	graoh



khrawng
khraw
khr

aw	ao	i
khraw	khrao	khri
khrawng	khraox	



phruah
phrua
phr

ua
phrua
phruah

Son pheuk gau

1. Pheuk ti tiem gum lox ngai: lai plak greem awx.

greeing

phruah

khrawm

2. Laug gum lox ngai: lai pa khaw mai: thie daux yi awx.

khri

graoh

phra phra

khraox

- (1) Lox rawm daw ah _____ leeing ngaix leeing sawm.
- (2) Paw kieh moh mau _____ lheu khaing ju tix.
- (3) Yaox pa _____ paw prah pa prim.
- (4) Hoek ex _____ tau.

3. Jhak plak greem ka daux (k) mai: (kh) laug pa khaw mai: sitoe giieb paox awx.

(k)

- (1) Greeing
- (2) Phruah
- (3) Khrawm
- (4) Graik

(kh)


- paox tix kum.
- chix kieh kraung khrai laux.
- rawm ka tai liak.
- ih nex lig ot piang griex.

(1)

(2)

(3)

(4)



Mau khri mawh pa deuh pui nawh koe ngawh koe jum heue. Pui yuh jheep gien, maox nhang (tauk) ka khri. Phan ex ceep khri mhawm grang ti yaox heue. Yam yuh pui ka paox, simex mai: sibun yuh mhai sakse krax moh tawx jheep gien khri ka paox tix heue. Mawh kheu deuh pui khri mawh pa ting ngawh jum. Tom ju dix simiang tawx khawng phak khri ka paox tix. Ka daux pa ting ngawh piang haktiex, pui nie moh khri khaing tang ceu heue.

Lawg Gau (43)

Ch ch

Khaox chax (miiem) mawh pa lang ju khaing khaox tang ceu. Tax Rai mawh pa yuh sipeem chax. Chax ce Tax Rai nyawm ti nyaux. Kieh nyo sinie vhah rhawm, khrawm paox tix kum kawng tau. Daux been yungyi ex pui ceu Vax, saux yum ang ah, suat lig pat ia: ang ah, yam kum kawng kaing jhaw ang ah yuh krax khan kheu ka chax heue. Lheu khaing an ex lo chax yam prawng see mai: yam doh krax ka sibun. Chax mawh pa ting ceu son ex pui ceu Vax. Phan ex nyaux chax chix kieh saux kuang kaing ex moi mai: bee tokaux ex dieh. Tawx krax nyawm ot ka tokaux ex. Mawh kheu nan, phan pex lo chax hu liag nyiex Tax Rai awx.



Chax ce Tax Rai nyawm ti nyaux.

Chax

Cha

Ch

chax
cha
ch

a	ia	aw	eu	i
cha	chia	chaw	cheu	chi
chax	chiang	chawk	cheung	chix

Son pheuk gau

1. Pheuk ti tiem gum lox ngai: lai plak greem awx.

chax

cheung

chiang

chawk


chix

2. Laug gum lox ngai: lai pa khaw mai: thie daux yi awx.

Chix	chiang	cheu	chax	chawk
------	--------	------	------	-------

- (1) Gaw _____ koe daux sipeem pon ti caik.
- (2) Phan ang tawng _____ ti tawng.
- (3) Lox luah _____ kaoh khaiing dee mawx?
- (4) In mawh _____ hu dee mawx?
- (5) _____ ot piang gawng, yaox pex lie?

3. Sau ngai: lai pa lo ti koe daux ghawk plak greem.



Tah khix tix dum tah num tix bawng, pui ceu Vax khankix tah Chiang, tah kraung, tah mawng yuh krax gaux rhawm heue. Daux Num khraox pui ceu Vax yuh krax moh ka paox tix Khan kheu priex nyawm nex nawn, rawm tie ka paox tix. Ang lai it lai tum bo yuh krax gaux rhawm leeing sawm. Tok taix paox tix graoh mawng, graoh Chiang, graoh pi. Poi num khraox mawh poi pa ting ceu son ex pui ceu Vax. Mawh poi kieh ex ih rhawmrhi kraix khrawm paox tix kaux cong.

Lawg Gau (44)

Pl pl	Kl kl	Phl phl
-------	-------	---------

Plix khaox koe praok rawm klawng tix gawng. Plix khaox an sidaing tie, nyawm ti ih heue. Mawh kheu nan klang mai: sim khankix hoek ti pan piang khaox an. Kix gaux rhawm kheu yaox kix ti ih plix khaox an. Pui awn ju tix kaux ngawm ti phlu shiao greem veei khaox an heue. Bhaung phlu lhax khaox an kix yung yang teuh paox tix awm pui rha lai khoi heue. Khaox an koe plak klip singaix. Plak bo phan kawn nyawm kin rawm, kix phlat ti pieh ih ka plix khaox an heue.




Plix khaox koe praok rawm klawng tix gawng.

Plix


Pli

Pl




plix
pli
pl

i	oi	a	ia
pli	ploi	pla	plia
plix		plak	pliah



klang
kla
kl

a	aw	o
kla	klaw	klo
klang	klawng	klong



phlu
phl

u	ie	aw
phlu	phlie	phlaw
	phliex	phlawp

Son pheuk gau

1. Pheuk ti tiem gum lox ngai: lai plak greem awx.

plix

ploi

klang

klawng

phlu

phliex


2. Laug gum lox ngai: lai pa khaw mai: thie daux yi awx.

ploi plak phlawp phlawp phlu phliex

- (1) Paw laung sim in _____ nawh po.
- (2) Bawg yam poi num khraox pui tah blah _____ _____ ku nyiex.
- (3) Khaoxmun lheu loe _____.
- (4) Phan maix hu _____ goix maix yaox nyiex yix heue.
- (5) Yuh buanson _____ ngu liak.

3. Tiiem ceu kaux riieng plak greem.

pliah klang klong klawng



Viang mawh nan



Plix khaox plix ox mawh pa caw ex ti ih son krax nyawm ot mhawm koe ex heue. Viang mawh nan paw lheu luan ih chix saux vaid kah. Ih pie khaw caw awx. Phan yaox ti ih plix khaox mhawm son vaid tu, chix kieh vaid tu ex awn hu tiag mhawm mhawm. Daux been yungyi ex pui ceu Vax phan yuh ka paox ang ah, kum kawng ang ah, krub vai ka paox tix ang ah viex ti yuh khawng phak ka paox tix ka plix khaox ku ceu heue. In mawh been yungyi pa sidaing mhawm grang mai: mhawm ti priex kaux cong heue.

Deeh Thawk Theng Lawg Gau (40 - 44) Simin (9)

Mu: ngai: lai pa hoik gau

Miex ngai: lai	ph kr br pr gr khr
	phr ch pl kl phl

1. Laug gum lox ngai: lai pa khaw mai: thie daux yi awx.

chawk	phai	Brung	khraox	ploi
-------	------	-------	--------	------

- (1) Paw laung lig in _____ nawh lih.
- (2) Phan ang tawng pon tix _____ heue.
- (3) Yaox pa _____ paw prah pa prim.
- (4) Ai Rang _____ to khaing Nyi Pao.
- (5) _____ nyiex Tax Pao sidaing phai to.

2. Jhak plak greem ka daux (k) mai: (kh) laug pa khaw sitee giieb paox tix awx.

(k)

- (1) Klong
- (2) Graik
- (3) Phix
- (4) Chax
- (5) Prah

(kh)

- ih nex lig ot piang griex.
- mawh pa moh ti ih kax.
- sawm tax maix priex mhawm.
- pa ang mhawm teei pa khraox.
- ce tax nyawm ti nyaux.

- (1) _____
- (2) _____
- (3) _____
- (4) _____
- (5) _____







3. Laug ngai: lai teem plak greem inkix sau daux yi awx.

Viang mawh nan Kheu mai: awx

Lo tix yuh satix ka lox sikah tix heue. _____ lox sikah ex paw kieh pui songrhawm kah awx. Paw kieh pui laux rhawm voirhawm kheu lox sikah tix. _____ kieh ex chix sikah ka daux krax moh krax rhawm _____ krax pa chix nab yam yungyi ka paox tix awx. Kieh lox sikah pex lheu tie khaing rawm hia tiex _____. Kieh mawh pa nyawm yhaok pui ti nghiiet kah awx.


4. Jhak riieng plak greem mai: sau ceukaux awx.

Cheu chix pheem klong kraung pliah


 <p>_____</p>	 <p>_____</p>
 <p>_____</p>	 <p>_____</p>
 <p>_____</p>	 <p>_____</p>

5. Sau gum lox ngai: lai plak greem inkix ka daux glhawk pa caw ti koe awx.

brug brung pheet klang cheu greeing




pliah klang klawng



6. Phat been in plak greem mai: pawk lox pa chawk awx.

“Grawng Ai Rang”



Ai Rang sidaing cheung ka lai. Ceu kaux keeing nawh mawh Nyi Lin. Ceu kaux miex nawh mawh I Pleuk heue. Ai Rang koe puxke loe kaux mai: pux loe kaux heue. Ai Rang koe krax cu lox mai: chix nab yam ka miex keeing tix heue. Viang nawh iak kawx nawh chix teem miex keeing tix ka kaing pa chix yuh tix heue. Nyiex Ai Rang ot yaong Rawm Pung heue. Nawh sidaing coca tix ka lai gau tix. Bawg chawk lai ku bawg, nawh pon simin tix. Khaix lih nawh cawng nawh yuh kaing nyiex hoik sivoie ang miex keeing nawh nyang hoek khaing ma:. Mawh kheu nan miex keeing nawh yaox ti laux lee tix mhawm mhawm heue.

(1) Mawh pui mawx pa cheung ka lai?

(2) Keeing Ai Rang ceu kaux patix?

(3) Miex Ai Rang ceu kaux patix?

(4) Ai Rang koe puxke miex kaux?

(5) Mawh pui mawx pa chix cu lox nab yam ka miex keeing tix lie?

(6) Ai Rang koe pux miex kaux?

7. Yuh buanson tiem "Grawng Maix" awx.

(1) Keeing maix ceu kaux patix?

(2) Miex maix ceu kaux patix?

(3) Pux maix koe miex kaux?

(4) Puxke maix koe miex kaux?

(5) Maix ot yaong mawx?

Lawg Gau (45)


KhI	khI	Gl	gl	Bl	bl
-----	-----	----	----	----	----

Miex aux caing khIax son tax tix pheem. KhIax an, kied sidaing mhawm, tax ceep khIax khraox hu klawm rawm tix glawm. Hoek yam pon bo tax ceep khIax khraox hu puing blak daux rang. Yix yuh ti ih moik ka blak pon tax. Daux rang plak blaong dee hu tax koe hia, tax yieh hia an mai: viex khlawp hia hoek. Yix yaox ti ih ku kaux heue.




KhIax
KhIa
KhI

a	ai	aw
khIa	khIai	khIaw
khIax	khIaix	khIawp



Glawm
Glaw
Gl

aw	a	e
glaw	gla	gle
glawm	glah	gleh



Blak
Bla
Bl

a	aw	e
bla	blaw	ble
blak	blawng	blex

Son pheuk gau

1. Pheuk ti tiem gum lox ngai: lai plak greem awx.

kh~~l~~ax

glawm

blak

2. Pawk lox chawk plak greem awx.

(1) Mawh pui mawx pa caing kh~~l~~ax son tax?

(2) Tax ceep kh~~l~~ax khraox hu klawm pa tix?

(3) Tax hu yuh pa tix dau~~x~~ rang?

(4) Tax pon pa tix dau~~x~~ rang plak blaong?

3. Yuh mu: ngai: lai inkix kieh mawh gum lox ngai: lai awx.


khl	a	aw	ng	bl
ao	gl	m	k	x

- (1) _____ (4) _____
(2) _____ (5) _____
(3) _____ (6) _____

4. Jhak riieng mai: tiem gum lox ngai: lai, phat: lai mai: pawd riieng awx .




khlax →



Didix koe si-uing miex mai: kawn si-uing, tix ngaix miex nawh ah nin “kawn, aux hu sawg priex ih son maix, mawh kheu nan maix paw lih hu khaing nyiex awx”. Khaix lih miex nawh, nawh kawx lih hu plak praix. Ang cu lox miex tix. Hoek gah krax pui tix cub tom yaox kawn si-uing an mai: giex sau daux khrawng hu heue. Khaix an nawh lih rawm ngai: mai: laux rhawm. Kix hoek ti tawx kiang pa im son priex ih nawh. Nawh doh keud ka lox tawm miex tix. “Miex aux ah, paw ih priex yie pa tawx pui”. Mawh kheu nan, nawh ang ih ka kiang an. Kiang an hu jee hu blaong mai: sawg ti toh khrawng an doh. Khaix an kiang lih luan khaing daux doh an mai: si-uing an kawx pon ti lih luan khaing daux doh an awm paox heue.


Mawh kheu nan ex kawx caw ti hawt lox priex lox ah miex tix mhawm mhawm heue.



Lawg Gau (46)

Sh sh	Iao iao
-------	---------

Shiao Ai Vax kied sidaing mhawm luah lox. Phan ex mhong lox phlu Ai Vax shiao sidaing biaong rhawm ka tix ceu ceu heue. Phan lox shiao lih yam sawng riang khix, kawn krih sinaw khan kix jawg kraung ceep tix, mai: khrawm paox tix graoh thiao. Kix phlu ngu daux pak, ah lox leng, lox jhaox. Nyiex ma: tiblah viex sub, viex plai, viex chax mai: pa ih ku ceu hoek ti tan sau sinax pui graoh khan kix. Pui kukaux kied sidaing biaong rhawm, silao rhawm tete. Bawg tiblah kix graoh thiao leeing lang sawm tom hoek ka bah riang praix. Jao shiao Ai Vax pui yaong yix khawm uik grum rhawm gaux rhawm tau heue.



Shiao Ai Vax kied sidaing mhawm luah lox.

Shiao

iao

Shiao
iao

iao iao
shiao miao

Son pheuk gau

1. Pheuk ti tiem gum lox ngai: lai plak greem awx.

shiao

2. Pawk lox chawk plak greem awx.

(1) Mawh shiao pui mawx pa kied sidaing mhawm lox?


(2) Lox shiao Ai Vax kieh pui yaong yuh ka mawx?

(3) Phan pui mhong lox shiao Ai Vax yam sawng riang khix pui yuh pa tix?

3. Phat lai plak greem mai: pawd riieng awx.

Nyi Ka phlu shiao

Pui khankix graoh tau



Didix ka daux yaong Vax tix yaong, koe pui pa kaux tax Ai Khang tix kaux. Nawh mawh pui pa yuh ti ih kaing ma kaing kaung. Yam hu nawh daux ma daux kaung yam mawx ang ah, nawh viex shiao pa yuh tix hu mai: tix heue.

Tix singaix yam phlu nawh shiao hu daux ma, yiex kuad Man tix kaux mhong lox shiao nawh, mai: sidaing khaw rhawm kah heue.

Mawh kheu nan, yiex kuad Man an, hu chawk ti liag shiao pa yuh nawh. Khaix an pui ku ceu yaox ka mhawm shiao pa yuh nawh. Pui hoek sawg ti liag shiao pa yuh nawh heue.

Mawh kheu jao shiao pa yuh tax Ai Khang pui ceu Vax koe min kah heue.

Lawg Gau (47)

Iu iu

Nyiex Nyi Nap koe brung tix mu:. Nyi Nap sidaing vao ka liu ti brung. Nawh silah ti liu brung yam mawx kawx, mawh ngie nawh pa pex heue. Kheu sidaing nyiu krax silax kix brung, nawh tawk cang brung, son ang brung cang glat. Kheu sidaing lih bhaung yam silah kix brung, lox luah bhaung ah “Viu Viu” daux yhaok Nyi Nap. Nyi Nap sidaing chiu rhawm kheu ang brung nawh cu ti kaog. Kheu brung Nyi Nap mawh brung pa sidaing cheung. Nyi Nap pon khawng phak mau khri yam silah brung ku bawg heue.



Nyi Nap sidaing vao ka liu brung.

liu

iu

liu
iu

iu iu
liu pliu

Son pheuk gau

1. Pheuk ti tiem gum lox ngai: lai plak greem awx.

liu

pliu

2. Pawk lox chawk plak greem awx.

(1) Nyiex pui mawx pa koe brung?

(2) Nyi Nap tawk cang brung kheu jao pa tix?

(3) Yam silah ti liu brung, Nyi Nap pon khawng phak ceu pa tix?

3. Phat lai plak greem mai: pawd riieng awx.

Liu brung

Khawm hoik mawh Ai mai: Nyi sinaw ting, kawn ang nyang doh chix yuh kaing jhaw tidtix. Kiex ca hu sawg ti liu brung ngie ku ngaix.

Koe tix ngaix, keeing kiex hoik nie kin saux, tom kok kiex hoek dee it tix mai: ah nin ka kiex, “Kawn eue, aux ang tau ti lai rheung klawd mai: pax. Aux ang yaox ti prah tid tix mai: pax. Viang mawh nan aux kawn sipaung khri ka gawng teh.” Lox krai nawh ang bax sidah, nawh man ti dud rhawm. Khaix an Ai mai: Nyi yaog ti teei khaw (baog) hu ka gawng pa ah keeing tix heue.



Hoek kiex caong gawng, kiex ang tawng dee sipaung keeing tix khri. Jao an kiex tom jah ti paog ti yaox caong gawng haok ka piang gawng. Viang mawh nan kiex ang yaox ka khri pa ah keeing tix.

Hoek singaix khaix kiex tom ca viex simie nghox, rhuat khaix dee hoik paog tix mai: ca baox paog gawng an hu. Hoek tix ngaix kiex yaog tix gi plak khaix. Kiex yaox ngie nghox hoik mhawm klai dee hoik paog tix.

Mawh kheu nan kiex tom ang lai koe rhawm tix sawg khri ah keeing tix. Kiex ah nin ka paox tix. “In mawh khri pa ah keeing ex heue.”

Lawg Gau (48)

Io io

Yaong yix Nhawng Khio mawh yaong Vax pa liang ti pang daux haktiex Cing Tong. Yaong yix sidaing mhawm gawng lua khaox ox rib riem. Mawh dee mhawm plix khaox, taux lhax ti sum. Plix khaox, taux lhax pa lih khaing yaong yix sidaing nyawm ti ih. Pui yaong yix eei ju tix ka kaing pa sum plix khaox taux lhax ngie. Viang mawh yaong ot piang gawng lua kawx rawm koe ku gawng, bhaung singax mhawm phlu ku jheeng. Yaong yix ang nab saux nyia. Mhawm ot si-u koe ku nyiex. Mawh kheu nan aux pa mawh Ok Shio khiox ghaok pex paox grawm ex pa ot Lashio hoek ti vhi daux yaong ot yix Nhawng Khio, haktiex Cing Tong. Lox khiox ghaok in hoik mawh rhawm rhi yaong yix tete.



Lox khiox ghaok in hoik mawh rhawm rhi yaong yix tete.

khiox

khio

io


Son pheuk gau

1. Pheuk ti tiem gum lox ngai: lai plak greem awx.

khiox ghaok

khiox khaw

2. Phat lai plak greem mai: pawd riieng awm pa chix maix awx.




3. Pawk lox chawk plak greem awx.

(1) Yaong Nhawng Khio ot dee mawx?

(2) Yaong Nhawng Khio mawh yaong pa yuh ka mawx?

(3) Yaong Nhawng Khio yuh kaing ceu pa tix?

(4) Tiiem grawng yaong ot maix phan ang mawh nan veng ot maix ceex awx ?



Koe caomi ting tix kaux. Nawh hu sawg ti mhaing ceuk ka pui pa taik mau ka nawh. Pui pa taik mau ah yuh nin ka nawh, “Caomi eue, aux khiox khaw ka maix, aux ang nyang tien rien mau sang tawx tix ka maix. Baox pau bawg yam ceeix.”

Tax Caomi ah yuh nin, “Paw vi ah lox khiox khaw ka aux, Maix lo ti tawx mau pa taik maix singaix in. Phan maix ang tawx, aux sang viex maix hu nyiex prawng see.”


Mawh kheu nan kaw pa taik mau an yaox tix coh kraung pa koe tix khawmuik mai: tawx ceuk tix kah heue.

Hoek yam pon sawm simiang meung yum hoek ka tax caomi an ah nin, “Pui eue, hoik hoek bawg yam cie maix.” Mai: caomi an ah yuh nin, “Aux khiox khaw ka maix baox tawx bawg yam ka aux ceeix liak.” Simiang meung yum pawk lox ah nin, “Ang chix, bawg yam cie maix hoik uik.” Simiang meung yum teei nawh yum dom mawx dom an heue.

Lawg Gau (49)

Iie	iie	-p
-----	-----	----

Didix ex pui ceu Vax ot piang gawng lua ngie. Dee ot ex singai khaing lah, khaing Veng. Krax kawx ang mhawm, sidaing nu ti lai ling ing tiang. Son sang pon ti laig lah tix num tix bawg ang mawh pa yie. Kiiep ceep kawx ang koe. Pui mawx pon ceep kiiep, sawn ti mawh pui laohlie. Baux yam an kiiep ceep pui ceu Vax mawh pa yuh ka ox. Maox kiiep kawx mawh pa yuh ka hak totiag tosot. Baux yamin kheu hoik mawh baux yam blah ngai:, lhak haing pui, kiiep ceep kawx koe riieng pak peung ku ceu heue.



Kiiep ceep kawx ang koe.

Kiiep

Kiie

iie

kiiep
kiie
iie

iie	iie	iie
iiep	giie	khiie
kiiep	giiep	khiiep

Son pheuk gau

1. Pheuk ti tiem gum lox ngai: lai plak greem awx.

kiiep

giiep

khiiep

2. Pawk lox chawk plak greem awx.

(1) Pui ceu Vax yuh kiiep ka pa tix?

(2) Mawh kheu pa tix pui ceu Vax ang hiex pon laig daux lah ?

3. Yuh mu: ngai: lai inkix kieh mawh gum lox ngai: lai awx.

iie	t
p	k
ia	d
b	ng

(1) _____

(2) _____


(3) _____

(4) _____

(5) _____

(6) _____

4. Phat lai mai: pawd rieng.



Kieep



Didix koe tax caing kieep tix kaux, nawh koe kawn raokhaox tix mu:. Tix singaix, nawh ngawm ti caing kieep plak praix nyiex mai: nawh deuh kawn raokhaox tix ot piang kak khaox praok tix heue. Hoek yam pon bo nawh pi awm ti viex raokhaox cie tix laig daux nyiex, raokhaox an lih khaing khaox, mai: caing kieep ka hak pa deuh cao tix khawm uik heue.

Mawh kheu nan cao raokhaox an sidaing meet rhawm. Nawh simie ti plaux ka raokhaox an. Viang mawh nan nawh ang pon kok raokhaox an lih khaing khaox heue. Mawh kheu nan nawh yuh cuyi ka raokhaox, tei vaig yeed ti susi ka ghok tix leeing singaix. Hoek pon ngawb pa sax nawh kaoh jhak ka raokhaox an mai: yaox ka hoik yum raokhaox ka piang tiex praok num khaox. Jah singaix an, nawh tom yaox ti caing coh kieep mhawm mhawm khaix heue.

Deeh Thawk Theng Lawg Gau (45 - 49)

Simin (10)

Mu: ngai: lai pa hoik gau

Miex ngai: lai	khl gl bl sh
Kawn ngai: lai	iie iu iao io
Ngai: lai tat lox	-p

1. Deeh cox tiem kieh mawh grawng ngai: lai son sang koe dee bleeh awx.

(1) khlax blak / lox / awx / Viang ceep / paw vi ah / blak

(2) chix phlu / kawn doe / awm lox leng / Ai Rai / shiao

(3) Maix hoik yaox / bliem tix chawk aux yuh pa tix? / kaing pa yuh aux, / maix kawn baox

(4) Nawh it / kied sidaing du / dex klip aux / nawh / ah khlaw khlaw nin heue

2. Jhak rieng mai: tiem gum lox ngai: lai awx.

 <hr data-bbox="790 443 1093 450"/>
 <hr data-bbox="790 772 1093 779"/>
 <p>1970</p> <hr data-bbox="790 1081 1093 1088"/>
 <hr data-bbox="790 1413 1093 1420"/>

3. Gau tix kleuk mu: ngai: lai mai: yuh grawng ngai: lai lih awx.

khl	gl	bl	sh	-p
iao	x	aw	a	k

Lox tiag-

khlay - Aux koe khlay tix pheem.

(1) _____

(2) _____

(3) _____


(4) _____

(5) _____

Lawg Gau (50)

Th th

Nyi Thai mawh pui paog ma: thai kaung. Nawh thai kaung ka krak. Krong thai nawh mawh pa yuh ka khaox, to thai nawh mawh pa yuh ka rhiem. Son sang thai ti yuh thai pa khraox lo ti deeh rhong thai prim mawh rawm rhiem. Mai: hieh rawm rhiem an daux jawk peung yuh thai. Khaix an ex tom pon thai pa khraox. Cao yuh ma: kaung tiblah kix viex thai prim, kix loh thai khraox kah mai: baox thie mau ka piang heue. Nyiex Nyi Thai mawh nyiex ra thaix. Kix een kraung shiao son ma: kaung thaix greem. Son ang kiang khankix kiied ka kraung pa een kix, kix thui thaix greem singax jheeng jheeng heue.



Nyi Thai mawh pui paog ma: thai kaung.

thai

th

thai
th

ai	u	a
thai	thu	tha
	thung	that

Son pheuk gau

1. Pheuk ti tiem gum lox ngai: lai plak greem awx.

thai

that

2. Pawk lox chawk plak greem awx.

(1) Nyi Thai yuh pa tix ka krak?

(2) Thai Nyi Thai mawh pa yuh ka ceu pa tix?

3. Yuh mu: ngai: lai inkix kieh mawh gum lox ngai: lai awx.

th	a	
r	ai	t
ng	k	o
u	x	

(1) _____

(2) _____

(3) _____


(4) _____

(5) _____

(6) _____

(7) _____

4. Phat gum lox ngai: lai mai: pawd riieng awx.



Krak mawh ceu pa thai.

Moi mawh ceu pa tang.

Vieh kaung ex, shiao ex krak kah.

Singai ma: ex, shiao ex moi tang nghox.


Koe krak ex, awm hoik deuh ex lon mau daux nyiex.

Koe moi ex awm hoik khrawm ex khri kaing krao.

Ang ex koe krak awm ex pui hot.

Ang ex koe moi awm ex pui yhot.

In mawh lox kab tax yiex miex keeing ex heue.




Tom ju dix krak moi mawh to sat pa ting ceu son ex kawn pui pa yuh ma: kaung. Baux yam in pui thai ma:, kaung ka cag thai. Viang mawh nan ang doh mhawm awm thai ex ka krak moi. Phan ang mhawm dah dee ex ang chix shiao cag thai thai.

Ex chix thai ka krak moi dee rieh dee vawk ku dah. Nghox koi kawx nie lheu mhawm lih khaing shiao cag thai thai. Aing krak moi kawx mawh phon pa mhawm son ma: kaung. Phan ex nie thai ka cag thai chix kieh ex pon jhawm saux kheu taox bee pa lih khaing cag heue.

Lawg Gau (51)

Bh bh	Dh dh	Jh jh	Gh gh
-------	-------	-------	-------


Singaix pa sidaing bhang praix klawng tix singaix, Ai Sin viex nad bhaung tix hu daux kaung. Yam jhak nawh ka piang khaox ting pa ot sigreung kaung, nawh yaox sua tix mu: jhawp ka ia praix pa ot piang kak khaox an. Sua an ang lai kan lih kheu lhat ka nawh. Nawh vaik ti sau sigao nad bhaung mai: puing ka sua an, sigao nad krox ka ghok sua an. Sua an ploi ia: praix an cod piang tiex. Khaix an nawh baox puing nad bhaung krox kaing sua an. Sua an cod piang tiex. Nawh baox ghawx dong sua an ka pang nad tix tom yum. Viang pui dhua sua ang yum ka nad bhaung kawx Ai Sin hoik pon puing sua an yum ka nad bhaung heue.





bhaung
bhau
bh

au	a
bhau	bha
bhaung	bang




khlah dhah
dhah
dha
dh

a	ua
dha	dhua
dhah	



jhong
jho
jh

o	i
jho	jhi
jhong	



ghut
ghu
gh

u	a	o
ghu	gha	gho
ghut		ghok

Son pheuk gau

1. Pawk lox chawk plak greem awx.

(1) Sua ot piang khaox yuh pa tix?

(2) Ai Sin pon sua ka ceu pa tix?

(3) Mawh kheu pa tix sua man ia: cod piang tiex?

2. Phat lai plak greem mai: pawd riieng awx.

bhaung phlu ox

ghut khut nghox

Yam pon bo tix bo, bhaung ting phlu braux nyiex Tax Khun dhah tix plak. Son sang cox ka nyiex an nawh sawg ox lang jhong piag maox vien kah. Khaix hoik yuh nawh maox vien, Yiex Khun teem nawh cox nyiex pa hoik dhah tix plak an.


Khaix an Yiex Khun teei ghut khut ka phawng ngua pa hoik cod khankix. Tax Khun gleeing ka phawng ngua ankix, son sang yuh phon kah. Tax Khun mai: Yiex Khun viang kiex hoik riex ju kawx kawn praix kiex ku kaux sidaing chix mhawm priex ka kiex. Mawh kheu chix mhawm priex kiex ka kawn tix tom yam iak yam aw kix dix, buanson pa chix priex kiex kawn praix tix deeh hoek ka piang kiex heue.



Lawg gau (52)

Grh	grh	Brh	brh
-----	-----	-----	-----

Ka daux yaong Vax in, mawh Tax Sam Pao pa chix taing grheeng. Grheeng yuh nawh sidaing kaux. Pui daux yaong hoek grhang ti liag grheeng taing nawh ku singaix. Nyiex Tax Sam Pao kub ih kub ot jao ngawh grheeng taing Tax Sam Pao. Nawh brhaoh grheeng pa awn mha piang rao ngu tom hoik singao. Mawh kheu nan mawt ang lai pon chuh ka grheeng pa taing nawh. Hoek plak pon ngawb cao ku ngawb nawh grheu kawn simex tix khankix hu kid ox mai: gau kix piag mha taing grheeng heue. Kawn simex nawh ah nin ka paox tix, “kawn plud moe toe nyiex, mawh seep toe ex rhoi taix khaix caong ping nya pa chix miex keeing ex, son sang eei ex kawn praix ju tix kah heue.”



Nawh brhaoh grheeng pa awn mha piang rao ngu tom hoik singao.

brhaoh grheeng

brhao grhee

brh grh

grheeng
grhee
grh

ee
grhee
grheeng

brhaoh
brhao
brh

ao
brhao
brhaoh

Son pheuk gau

1. Pheuk ti tiem gum lox ngai: lai plak greem awx.

grheeng

brhaoh

2. Pawk lox chawk plak greem awx.

(1) Pui daux yaong hu liag grheeng ka pui mawx?

(2) Mawh kheu jao pa tix Tax Sam Pao brhaoh ngu ka grheeng pa awn mha?

(3) Tax Sam Pao gau kawn simex tix yuh pa tix?

3. Yuh mu: ngai: lai inkix kiek mawh gum lox ngai: lai awx.

grh	ee
a	-ng
eu	brh
-h	ao

(1) _____

(2) _____

(3) _____

(4) _____

4. Phat lai plak greem mai: pawd rieng awx.



Tix singaix yam hu tax kid ox ka daux tiag, nawh yaox nyiex hia ot piang kak ox. Mawh kheu nan nawh brhaoh nyiex hia an ka ngu mai: teei rawm kaing hia ing ka nyiex heue.

Yam hoek nawh ka nyiex, nawh piag mha ka ox viex tix son sang taing grheeng. Hoek yam pon bo nawh taing grheeng mai: yiex ngawm ti ih rawm hia praok nawh heue. Son sang ang nawh gaing it yiex lao been praok nawh mai: tawx nawh nyaux chax song. Khaix an kiex nyawm nyiah mai: ih tix moik kawn hia mai: kawn saux tix heue. Tax ah yuh nin ka kawn saux tix, “Phan ex chix taing kraung shiao daux nyiex ma kied laoh lie. Pon tiebtie mau lih tom nie son nyiex ma:. Lheu khaing an kawn chix kieh ex pon mau laig heue.”



Lawg Gau (53)

F	f
---	---

Ai Khang eei kawn fax tix mu:. Nawh pheuk gau fax an chix yuh kuceu . Nawh kied moh ka fax an kheu chix hawt ti yuh awm pa gau nawh. Nawh gau fax an brug gawng bia (ling) daux pak klieh. Khaix an fax an chix brug gawng bia nong nong. Pui yaong khankix hoek ti jhak ka fax an, mai: daox deng ka pa chix yuh nawh heue. Fax an kawn chix klieh plix, chix vud vied ti graoh thiao. Fax Ai Khang kied mhawm dong. Pui yaong khankix kied laig rhawm ka jhak tix fax nawh khaing tang ceu heue. Kix viex ti tawx fax Ai Khang ih muah yam hoik jhak kix heue. Kheu cu fax an lox, Ai Khang liag ti tawx nawh ih plix khaox kuceu ku singaix heue.



Ai Khang eei kawn fax tix mu:.

fax

fa

f

fax
fa
f

a
fa
fax

Son pheuk gau

1. Pheuk ti tiem mu: ngai: lai mai: gum lox ngai: lai plak greem awx.

F

f

fax

2. Pawk lox chawk plak greem awx.

(1) Ai Khang koe pa tix?

(2) Fax Ai Khang chix yuh pa tix?

(3) Ai Khang tawx fax ih pa tix lie?

(4) Mawh kheu pa tix pui yaong laig rhawm ka fax Ai Khang?

3. Yuh mu: ngai: lai inkix kieh mawh gum lox ngai: lai awx.

ai	a
f	g
ng	k
b	x
u	r

(1) _____

(2) _____

(3) _____

(4) _____

4. Phat lai plak greem mai: pawd riieng awx.

<p>fax ra mu:</p>

Didix ka daux klawng ting tix mu:, koe goe rawm ra mu:. Tix singaix moeng goe rawm kin saux. Nawh ah nin ka mex tix, “Phan aux yaox ti ih sok rhawm fax, ap aux ti moi. Hu sawg aux ih liak.” Mawh kheu nan nawh hu sawg ka fax. Yam yaox nawh ka fax nawh chawk yuh nin, “Maix ca jhak ngie plak an kheu jao pa tix.” Fax pawk ah nin, “Aux simie ti tiang toi rawm plak teh, kheu nie plix khaox plak an.” Goe ah yuh nin, “Aux chix ti teem ka maix, viang mawh nan maix kawx caw ti deeh teem ka aux.” Fax tom pawk ah nin, “Eu, chix tix.” Goe viex fax hu plak toi rawm. Yam hoek sigreung rawm goe chawk ah yuh nin “Maix viex sok rhawm tix hawt maix lie?” Fax deeh pawk ah nin, “Ang viex, kheu lo aux ti phuh jee phuh blaong, haok haok lih lih, aux tom prah ti deuh piang khaox.” Goe baox ah nin, “Tawx aux rawg sok rhawm maix chix lie? Fax baox pawk ah nin, “Chix, maix ca viex aux hoek plak toi rawm sivoe ha.”

Yam hoek plak toi rawm fax an nied ti phuh haok piang khaox ruh. Khaix an nawh ah nin, “Maix simie ti cie sok rhawm aux ang mawh lie? Ang maix tawng lie? Phan aux tawx ka maix, aux tag sang yum. Laux rhawm aux kheu ang pon teem ka maix. Na nah aux hu ha awx.” Yam goe rawm tawng fax pie lhien ka tix, nawh meet rhawm mai lih hu khaing tan heue.



Lawg Gau (54)

Glh	glh	Blh	blh
-----	-----	-----	-----

Yaong ot yix mawh yaong Taoh Tong mawh yaong pa khraox pang yix ti ot. Pui plak nie mawh pa yuh kaung. Kheu kawn sikhawp kaung yuh yix, yix ot ti glhawk kaung. Tix singaix yam hu yix glhawk kaung, yix caw ti kid num khaox ting tix mu:. Yam kid paox bix yix Nyi Sawng khaox an, yix yaox si-uing ting blhiien ti lih khaing dauh doh khaox. Nyi Sawng teei khaox pah si-uing ting an yum. Cub kawn nyawm liang moi, liang krak hoek ti jhak ka si-uing an. Nyi Sawng vheuk si-uing an ka toh ox lang mai: leue glhat kix kah. Kix yo lox tix mai: yaog ti to khawm kied lhat tix. Kix khrawm paox tix mox tix. Nyi Sawng nyawm nyiah ka to kix ti mox tix dee singai heue.





ghawk
 ghaw
 glh

aw	a	ua
ghaw	gha	glhua
ghawk	ghat	



blhiien
 blhiie
 blh

iie	ua	aw
blhiie	blhua	blhaw
blhiien		blhawp

Son pheuk gau

1. Pheuk ti tiem gum lox ngai: lai plak greem awx.

ghawk

blhiien

2. Pawk lox chawk plak greem awx.

(1) Yaong Taoh Tong mawh yaong pa yuh ka mawx?

(2) Mawh pa tix pa blhiien kaing ti lih khaing daux doh khaox?

(3) Nyi Sawng yuh pa tix ka kawn nyawm liang moi, liang krak?

3. Yuh mu: ngai: lai inkix kieh mawh gum lox ngai: lai awx.

blh	p	iie	ua	a
aw	glh	n	k	t


(1) _____

(2) _____

(3) _____

(4) _____

(5) _____



Pui khrawm paox tix hu daux nong son sang puing totiag. Tax viex nad hu sivoe paox tix. Viang mawh nan kix ang pon totiag ti mu: kawx. Tax ah yuh nin daux rhawm tix, “Jao nie lox pui, ang pon tidtix.” Hoek singaix khaix Tax baox viex nad hu ka daux nong nong nong. Tax pon petla hoek tix mu:. Yam yaox keeing pon Tax petla keeing kawx kied simie ti hu daux nong. Hoek singaix khaix keeing kaoh hu daux nong cao cao nong nong. Yam pau keeing ti jawm totiag greem khaox, si-uing blhien kaing tix khaix doh khaox. Keeing siyaoh mai: yaog ti to ing kaux giex khawm lhat tix heue.

Yam bleeh ka nyiex Tax chawk keeing ah nin, “Deuh maix nad dee mawx? Maix mox ti hu nong nong pon maix pa tix? Ang maix tie tawng grawh grawng tidtix maix ca nieb hu kheu pa tix? Kheu pa tix maix ang krai ka aux, chawk cheng ka aux? Yam in ex ang lai koe nad shiao phao.”

Mawh kheu nan ceu pa tix ang ah phan ang tawng caw ti chawk ti tawng. Phan ang chawk chix lih ti mawh sivix heue.

Deeh Thawk Theng Lawg Gau (50 - 54)
Simin (11)

Mu: ngai: lai pa hoik gau

Miex ngai: lai mai:	th	bh	dh	jh	gh
miex ngai: lai brawm	grh	brh	glh	blh	f

1. Kleuk miex ngai: lai plak piang inkix mai: kawn ngai: lai khankix mawh gum lox ngai: lai awx. Khaix an tiem mawh rhoi lai pa naog dee bleeh awx.

Lox tiag -

Ghok - Ghok mawh pa ting ceu son ih priex.

(1) _____


(2) _____

(3) _____


(4) _____

(5) _____


2. Laug gum lox ngai: lai pa hoik tiem maix daux simin (1) pon mu:
mai: pawd riieng awx.




(1) _____



(2) _____



(3) _____



(4) _____

3. Phat grawng been in plak greem mai: pawk ka lox pa chawk awx.

Dak pa koe ex kawn pui sidaing mawh ceu pa daox deng ex ka te te heue. Grawh grawng nawh pa praix pa tie, pa hax pa sikiied, pa laoh pa ceet, pa song pa krin, nawh tang chix goih ti tawng.

Lheu khaing an lox iak lox ting, lox yiem lox leng, lox lai, lox caox, lox mhawm kawx chix lih khaing dak ku ceu khawm uik heue.

Awm an yam gau ex cuyi pingnya paw baux pa caox nghiit ka pa mhawm, glhawk tik pa seeing, bhao pa mhawm, yam gau maix awx.

(1) Dak ex chix tawng jhawm priex ceu pa tix?

(2) Lox pa chix lih khaing dak ex mawh ceu patix lie?

(3) Yam gau ex cuyi pingnya caw ti yuh ka mawx?

4. Phat grawng been in plak greem mhawm awx. Khaix an, thie ngai: lai daux yi mai: pawk ka lox pa chawk awx.

Thai, ghut, khaw mai: vaig mawh pa ting ceu son pa yuh kaing ma: kaing kaung heue. Jhaik, daix, jhi:, daix miiet, maokla mai: khaox tiag mawh pa ting ceu son pui pa yuh kaing kraung taix heue.

Awm an kawn nyawm mawh pa ting ceu son sivoie ngai:. Ex lo tix gau kix chix sawn chix lhak son ang blhawt caong mai: som nai heue.

Paw ghat ka ju, gau pa mhawm, kieh phai ka kaing, nhim ka lox, son ang dhah ka kaing ghawx ka priex.

Kieh bhawng khaing pa cux, blhiien khaing pa vhaik awx.

(1) _____ mawh pa ting ceu son pa yuh
Kaing ma:, kaing kaung.

(2) Yam tat khaox _____ mhawm ti shiao khaing
_____.

(3) Mawh kraung ceu pa tix pa ting ceu son pui pa yuh kaing
kraung taix?

_____.

(4) Kawn nyawm mawh pa ting ceu son sivoe ngai: lo ti gau kix yuh ka mawx?

(5) Tiiem lai lox kab pa koe ka daux lai been pa hoik phat maix awx.

Krax jhi son cao gau (Teaching Guide)

Son lawg gau ku lawg mawh peung krax gau tix ceu khaing heue.

1. Been praix phat sara cao gau

Jhi nyawm cawng yaox riieng mai nih nai kraï lao tau. Sara cao gau caw ti phat kawn nyawm mhong been praix pa caw sara ti phat. Khaix an nih nai kraï lao grawng been tau mai chawk lox chawk.

2. Gau ngai: lai mu: pa khraox

Krax gau ngai: lai mu: pa khraox mawh awm plak greem heue.

Lawg gau (2) - Son sang gau ngai: lai mu: “m”

Lawg gau	Sara cao gau	Nyawm cawng
1. Num rhoi lai	Naih num rhoi lai - “Ai Kat mai keeing naw hu daux ma: ” hawt ti ah awx.	“Ai Kat mai keeing nawh hu daux ma: .”
2. Num riieng	Jhi kix yaox num riieng - In mawh riieng “ ma: ”. Ex! nyawm cawng khawmuik hawt ah tau “ ma: ” heue.	“ ma: ”
3. Jiak saw gum lox	Jhi kix yaox jiax saw gum lox, mai kraï kix mhong gum lox in caw tix phat ah “ ma: ” heue. Ex! hawt ah “ ma: ”. Pex yaox gum lox pa tiem “ ma: ” dee mawx?	“ ma: ” (Kieh kawn nyawm cawng sawg ti yaox)
4. Ngai: lai mu: pa khraox “m” pa viex ka daux gum lox “ ma: ” ma: ma m	Ci ngai: lai mu:, in mawh ngai: lai “ ma: ”. Yam in ex glip kaix ngai: lai “ a ”. Ex caw ti phat ngai: lai pa deuk an yuh ka mawx? Dee mhai - Yaox ti ah lox “m” ngie. Ang mawh son sang ex ah “ ma: ”.	“ ma: ” “ ma ” “ m ”

3. Krax ah lai

Phat plak piang lih plak greem mai plak goih hu plak dawm. Sara cao gau caw ci ngai: lai mai phat hu sivoe. Khaix an kieh nyawm cawng hawt ah.

4. Pheuk gau krax pa phat mai pa tiem lai

Sara cao gau nih lox chawk sidawng mai kieh nyawm cawng yuh krax pheuk gau. Sara caw ti gaig pa yuh kix caw ang caw. Phan ang mawh nan sara cao gau mai nyawm cawng caw ti yuh tau.

Yam gau nyawm cawng tiem ngai: lai mu: mai ngai: lai gum lox.

(1) Gau nyawm cawng chix tiem ngai: lai mu:

(2) Kieh nyawm cawng pheuk ti tiem ngai: lai mu: mai ngai: lai gum lox daux lai cao kix.

(3) Son sang nyawm cawng pon tiem khaw caw sara cao gau caw ti ciied pa hoik tiem kix.

5. Ngai: lai teem

Mawh son sang gau jhak mai tawng. Phao ka sara cao gau caw ti nih nai grawng ngai: lai teem. Khaix an kieh nyawm cawng sawg mai ci ka ngai: lai teem daux been phat nyawm cawng.

6. Grawng phat been praix

Nyawm cawng caw ti tang chix phat been pa caw nyawm cawng ti phat.

- Kieh nyawm cawng phat daux rhawm tix.
- Sara cao gau mai nyawm cawng phat lih lox tau
- Kieh nyawm cawng ngie phat lih lox tau
- Kieh nyawm cawng phat tix kaux ngie (Phan khaw mai been yungyi ex)

7. Baox deeh phat been phat sara cao gau

- Sara cau gau deeh phat ka been phat sara baox tix bawg.
- Son sang sawg nyawm cawng ka ngai: lai pa hoik tawng kix ka daux pa teem sara. Kieh kix sawg ci ka ngai: lai teem pa khraox mai ngai: lai teem pa hoik gau khankix.

- Sara baox phat nyawm cawng mhong been praix baox tix bawg mai kieh kix hawt ti phat lih lox. Mawh kheu koe ngai: lai mu: pa ang kix nyang tawng, chix ti kieh kix hawt phat khaix sara cao gau. Krax pa pheuk gau yuh nin mawh pa koe buanson mai pa mhawm, son sara cao gau ku kaux hawt jhaw ti yuh heue. Ang khaw ti kieh nyawm cawng phat lih lox nong nong.

Deeh Thawk Theng Lawg Gau

Khaix hoik gau lawg gau phuan mu: liah mu: caw ti koe lawg thawk theng. Ang chix ti gau ngai: lai pa khraox daux lawg thawk theng. Mawh son sang kieh nyawm cawng deeh pheuk gau ka ngai: lai pa hoik gau kix. Daux blawng chix yuh krax thawk theng koe ku ceu heue.

1. Kieh nyawm cawng jhi te rah ka ngai: lai mai riieng
2. Kieh nyawm cawng thie ngai: lai ka daux yi
3. Tawx ngai: lai gum lox kieh nyawm cawng pawd riieng
4. Tawx ngai: lai gum lox kieh nyawm cawng tiem mawh rhoi lai.

Deeh thawk theng pa kawm chix ti yuh

1. Kieh nyawm cawng phat been pa caw nyawm cawng ti phat daux pa ang lih lox.
2. Kieh nyawm cawng lawmle ngai: lai pa tawng kix ka daux been phat sara cao gau khaing ka daux lawg pa hoik gau.

Dee mhai tawng

- Ngai: lai pa vie ti een mawh pa caw nyawm cawng ti chix phat. Bawg tiblah ap ti lo krax teem sara.

- Been praix pa liang ti koe ka daux lawg gau ku mu: ang vie ti een. Mawh kheu mawh pa caw sara ti phat. Sara chix ti kok nyawm cawng phat mai tix. Viang mawh nan, ang khaw ti kieh nyawm cawng ah ka daux pa ang viex sara. Mawh kheu viex ngai: lai pa ang nyawm cawng nyang tawng tom nie. Caw ti yuh satix ka grawng an, son ang nyawm cawng uik rhawm ka phat tix lai heue.

Son been praix phat nyawm cawng, caw ti hawt yuh awm simu plak greem

- (1) Kieh nyawm cawng phat daux pa ang lih lox. (Phat daux rhawm tix)
- (2) Kieh nyawm cawng mai sara phat lih lox tau.
- (3) Kieh nyawm cawng phat lih lox tau.
- (4) Kieh nyawm cawng phat lih lox tix kaux. (Phan khaw mai been yungyi cie ex)

Krax grawng pa hoik plak jhi plak piang, mawh num riah grawng krax tiem lai mai grawng krax phat lai heue. Phan koe krax pa cud cha, sara cao gau kawm chix ti baox naog ti shiao krax chix krax tawng tix heue.

